

**Javna ustanova Opća bolnica
„Prim. dr. Abdulah Nakaš“
Broj: 02C-6356-2/25
Sarajevo, 06.05.2025. godine**

U skladu sa članom 13. stav (1) Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), člana 15. Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“ broj 27/19, 29/19, 48/19 i 13/20), člana 31. Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine, člana 3. Pravilnika o uspostavljanju i radu Komisije za nabavke („Službeni glasnik BiH“ broj 103/14 i 49/23) i Odluke o pokretanju postupka javne nabavke, broj: 02C-6356-1/25 od 06.05.2025. godine, direktor Javne ustanove Opća bolnica „Prim. dr. Abdulah Nakaš“ donosi

RJEŠENJE **o imenovanju Komisije za nabavku**

I

U cilju provođenja otvorenog postupka za javnu nabavku roba **Medicinske lampe za ginekološko-akušerske intervencije** (evidencijski broj nabavke **JN 56/25**), imenuje se Komisija za nabavku – u daljem tekstu: Komisija, u sljedećem sastavu:

1. Alma Halilović, dipl.ing.el. - predsjednik
2. Zema Bašić, med.sestra - član
3. Amra Mulaosmanović, BA prava – član
4. Nisveta Čampara – sekretar

Ovim Rješenjem imenuju se i zamjenski članovi Komisije u sljedećem sastavu:

1. Nedžad Bičakčić, dil.ing.maš. – predsjednik
2. Dr. Aida Đurđević - član
3. Aldijana Ećo Ajkunić, BA prava – član
4. Edina Žehak – sekretar

Predsjedavajući Komisije koordinira rad Komisije i određuje konkretna zaduženja u pogledu administrativnih i tehničkih poslova za rad Komisije.

Zamjenik predsjedavajućeg ili člana Komisije učestvuju u radu Komisije u slučaju objektivne spriječenosti predsjedavajućeg ili člana Komisije da učestvuje u radu iste.

II

Sekretar Komisije nema pravo glasa. Sekretar Komisije vrši administrativne poslove za Komisiju, priprema zapisnik sa sastanka Komisije i izvještaj o radu Komisije, vodi dokumentaciju i vrši druge poslove koje zahtjeva predsjedavajući Komisije.

III

Zadatak Komisije za nabavku iz člana 1. ovog Rješenja je da, u skladu sa odredbama Zakona o javnim nabavkama („Službeni glasnik BiH“ broj 39/14, 59/22 i 50/24) i Pravilnika o uspostavljanju i radu Komisije za javne nabavke („Službeni glasnik BiH“ broj 103/14 i 49/23) izvrši sljedeće zadatke:

- a) Objavi postupak na Portalu E-nabavki,
- b) Utvrdi broj prispjelih ponuda,
- c) Provede javno otvaranje ponuda,
- d) Po obavljenom postupku otvaranja ponuda, odmah uruči kopiju zapisnika sa otvaranja ponuda prisutnim predstavnicima ponuđača, a ostalim ponuđačima najkasnije u roku od 3 dana,
- e) Pregleda i ocijeni ponude,
- f) Sačini zapisnik o pregledu i ocjeni ponuda,
- g) Zakaže E-aukciju na Portalu E-nabavke,
- h) Da preporuku o izboru najpovoljnijeg ponuđača ili preporuku o poništenju postupka javne nabavke,
- i) Sačini izvještaj o radu komisije u konkretnom postupku javne nabavke,
- j) Po potrebi obavlja i druge poslove u skladu sa članom 5. stav (3) Pravilnika o uspostavljanju i radu Komisije za javne nabavke („Službeni glasnik BiH“ broj 103/14).

Zadaci Službenika za javne nabavke su sljedeći:

- a) Priprema tenderske dokumentacije,
- b) Priprema pojašnjenja tenderske dokumentacije,
- c) Dostavljanje tenderske dokumentacije na način propisan za konkretni postupak javne nabavke
- d) Korespondencija sa ponuđačima,
- e) Priprema prijedloga odluke u formi i sadržaju propisanim zakonom,
- f) Priprema odgovora po pravnim lijekovima.

IV

Obaveza je člana/zamjenika člana Komisije da tokom cijelog postupka nabavke prijavi postojanje mogućeg sukoba interesa ugovornom organu radi isključenja iz daljeg rada Komisije i uključenja u rad zamjenika člana ili imenovanja novog člana/zamjenika člana.

Prije početka rada, svaki član/zamjenik člana Komisije, kao i sekretar/zamjenik sekretara Komisije će potpisati Izjavu o nepristrasnosti i povjerljivosti, te nepostojanju sukoba interesa, u skladu s članom 11. ZJN, odnosno da je upoznat sa odredbama člana 52. ZJN, odnosno da je upoznat sa obavezom da tokom cijelog postupka rada Komisije je dužan prijaviti mogući sukob interesa i tražiti isključenje iz rada Komisije, kao i da protiv njega, u posljednjih pet godina, nadležni sud nije donio presudu kojom je utvrđeno da je počinio kazneno djelo koje sadrži elemente korupcije, pranja novca ili primanja ili davanja mita, krivotvorenja, zloupotrebe položaja i ovlaštenja. Obrazac navedene Izjave je u prilogu ovog Rješenja.

Ukoliko neki od imenovanih članova/zamjenika članova Komisije ili sekretar/zamjenik sekretara utvrdi da zbog mogućeg sukoba interesa nije podoban za učestvovanje u određenom postupku javne nabavke, dužan je o tome obavijestiti ugovorni organ i s obrazloženjem zatražiti izuzeće, u kojem slučaju se u rad uključuje zamjenik člana/zamjenik sekretara ili imenuje novi član/zamjenik člana, odnosno sekretar/zamjenik sekretara Komisije.

V

Obaveza je svakog člana/zamjenika člana Komisije ili sekretara/zamjenika sekretara da povjerene poslove i zadatke date u ovom Rješenju obavlja u skladu sa procedurama u sadržaju i formi koja je propisana zakonom ili podzakonskim aktima odnosno općim aktima ugovornog organa, te da shodno tome sačinjavaju odgovarajuće akte.

Komisija sačinjava zapisnike i druge akte u sadržaju i formi propisanoj zakonom, podzakonskim aktima i općim aktima ugovornog organa.

Obaveza je sekretara/zamjenika sekretara Komisije da nakon okončanja postupka nabavke cjelokupan predmet sa svim dokumentima postupka nabavke od odluke o pokretanju postupka nabavke do obavještenja o dodjeli ugovora pripremi i arhivira u skladu sa općim aktima koji uređuju pitanje kancelarijskog i arhivskog poslovanja.

VI

Komisija radi isključivo u radno vrijeme.
Komisija nema pravo na novčanu naknadu.

VII

Ovo Rješenje stupa na snagu danom donošenja.

Pripremila:

Emina Turković, dipl.iur.

Stručni saradnik za javne nabavke

Kontrolisala

Aldijana Ećo Ajkunić, BA /a,
šef Odsjeka za javne naba

 DIREKTOR

Prof. dr. Ismet Gavrankapetanović

DOSTAVITI:

- Predsjedniku, članovima i sekretaru Komisije
- Zamjenskim članovima Komisije
- Odsjek za javne nabavke
- Odjeljenje za ekonomsko-finanasijske poslove



I Z J A V A
o povjerljivosti, nepristrasnosti i nepostojanju sukoba interesa

Kojom ja, _____, imenovan-a u Komisiju za provođenje postupka javne nabavke roba : **Medicinske lampe za ginekološko-akušerske intervencije** (evidencijski broj nabavke **JN 56/25**), Rješenjem o imenovanju Komisije za nabavku broj 02C-6356-2/25 od 06.05.2025. godine, pod punom moralnom, materijalnom i krivičnom odgovornošću, u smislu članova 11. i 52. Zakona o javnim nabavkama Bosne i Hercegovine (Sl. glasnik BiH, broj: 39/14,59/22) i člana 7. Pravilnika o uspostavljanju i radu Komisije za nabavke (Sl. glasnik BiH, broj: 103/14 i 49/23), izjavljujem:

- a) da nakon javnog otvaranja ponuda nijednu informaciju vezanu za ispitivanje, pojašnjenje ili ocjenu ponuda neću otkriti nijednom učesniku u postupku ili trećem licu prije nego što se odluka o rezultatu postupka ne saopšti učesnicima postupka,
- b) da u postupku javne nabavke ni na koji način neću neovlašćeno prisvojiti, koristiti za svoje potrebe niti proslijediti trećim licima podatke, rješenja ili dokumentaciju (informacije, planove, crteže, nacрте, modele, uzorke, kompjuterske programe i dr.) koji su mi stavljeni na raspolaganje ili do kojih sam došao na bilo koji način u toku postupka javne nabavke,
- c) da ću u sprovođenju svih radnji tokom postupka, vezanih za predmetno nadmetanje, biti nepristrasan u odnosu na kandidate/ponuđače,
- d) da sam upoznat sa zakonskim i podzakonskim odredbama koje se odnose na sukob interesa, i da ću u toku trajanja postupka javne nabavke prijaviti svaki mogući sukob interesa, koji nastane po osnovu zaprimljenog zahtjeva ili ponude i s tim u vezi zatražiti izuzeće iz rada Komisije,
- e) da u posljednjih pet godina nisam osuđivan za krivično djelo koje sadrži elemente korupcije, pranja novca ili primanja ili davanja mita, krivotvorenja, zloupotrebe položaja i ovlaštenja.

Sarajevo, datum, _____. godine

Izjavu dao-la:
